



UNIVERSITÄTS-
BIBLIOTHEK
PADERBORN

**Princeps Christiano-Politicus Septem donis Spiritus sancti
instructus Anno M.DC.LVI.**

Faust, Reinhard

Herbipoli, 1667

Caput V. Pietatis Efficacia.

Nutzungsbedingungen

[urn:nbn:de:hbz:466:1-55326](https://nbn-resolving.org/urn:nbn:de:hbz:466:1-55326)

quo vitiorum cælaries pendet,
alere: Vindex sanè scelerum esse
non potest, qui vitiorum ma-
trem fovet avaritiam.

CAPUT V.

Pietatis Efficacia.

Mirum, quanta vis ad omne
bonum augendum, & ma-
lum avertendum pietati insit,
maximè Regiæ: Regis pietas
malorum subditorum pharma-
cum est; Regis pietas lex est be-
nè ac beatè vivendi omnibus;
Regis pietas justitiæ & regni fir-
mamentum est: Lasciviens regis
oculus eum ut lenonem exponit
infamiæ, iracundia intempesti-
vior ut crudelem diffamat; ava-
ritia

ritia ut furem & oppressorem, & penè sacrilegū promulgat. Privato sæpè fatis est nihil mali facere, Princeps ne quidem de malo suspectus esse debet. Lex per sapientiam, justitia per equitatem, Princeps per pietatem fortunæ rei que publicæ inserviant: Dei, legis justitiæque Vicarius solus Princeps, si pietate valet, omnem omni obligationi æquitatem exhibere poterit. Cùm multos pœniteat gratis esse bonos, cùm improbum sit multos impunè esse malos, quosdam præmiis, quosdam pœnis conservabit in æquitate: Sensu doloris necessitati paret multitudo, minùs honore ducitur. Pœnarum usum deleget aliis,

204 DISCVRSVS VI.

præmiorum ipse sit distributor; sic jus dicere conetur omnibus, ut sibi dici à Deo desiderat: Si ministri antè pannosi subito purpurati incedant, istam è subditorum sanguine effulgere purpuram sibi persuadeat. Castellæ Rex, Henricus, Constantinus, Pius Imperator severissimè in ministros iniquitatis animadverterunt, eò quòd vili jus Numinis æstimarent, vel contemnerent: & hoc ex pietate. Magistratus uterq; donet judicia, officia, beneficia, quia pietatis est; non vendat, quia impium est, atque ista tribunalium venditione iniquior emergit emptor. Princeps sui officii memor non se extra naturam humanam collocet,

or; cet, non se tragicum simulet, sed
is, ipse causarum auditor sit; præest
Si namque ut profit. Fœmina ab
tò Adriano non audita insultabat
b- Imperatori hisce verbis : Noli
r- Ô Imperator imperare, si non vis
æ audire. Imperator Rudolphus
s, aiebat , se non Imperatorem
n creatum, ut arcâ inclusus cola-
l- tur, sed ut publicè præsit, & pro-
i- fit omnibus. Quicumque impe-
i- rant, modestè sibi noverint esse
• imperandum. Nam grave re-
- gnum sub graviore constitui-
t; tur, & acre sub acriore. Qui ar-
t- matiment, paludamentum non
e metuant, sagum non induat, si
- togatus esse poterit; atq; quam
- ferro religionem inducere non
- potuit, pace, connubio & pie-

206 DISCURSUS VI.

tate procuret, ne divini cultus neglector, & impietatis seminator, imò impius regni administrator habeatur. Subditis graviserit, si bono publico malè prospiciat; non pudeat se pauperem esse regem, sed pauperum, quos ipse opibus exuerit. Omnia bona sciat à pietate proficisci, quæ si abfuerit, cum exigua laude imperabit. Tributa necessaria si in regni depopulationem, in adulatorum opulentiam, in otiosorum luxum, in superfluos & vanos religionis apparatus effuderit, næ ille vile pietatis testimonium ad iudicium secum feret. Exigebat veste lugubri indutus Rex Castellæ Joannes I. tributa, ne ob miseriam

seriam inopum & gemitum pauperum in se veluti tyrannum exurgat Dominus. Erici Suecorum Regis assentatores, & tributorum novorum inventores à plebe excruciatì perierunt. Qui Theobertum Francorum Regem ad ejusmodi exactiones impulerunt, lapidati sunt; alii aliis calamitatibus affecti vitam cum morte mutârunt. Tributa nec regem ditant, nec regno profunt. Opulentus esse vis? opes non prodige, à miseris non collige; compara beneficiis, benevolentia ære vacuum ærariû momento compleveris. Pietas & pietatis industria ad omnia utilis est. Eduardus Anglorum Rex sanctissimus dæmonem cumulo

208 DISCVRSVS VI.

mulo exactæ pecuniæ insidentem & exultantem vidit, Ad miserorum nimirum gemitus & pauperum lachrymas exultantem vidit, & contritus prohibuit. Impius omninò censetur, qui ejusmodi regni expilatores tolerat; deprædabitur, qui deprædatur, eritque violentæ legis lator, patronus iniquitatis, exterminator pacis & reipublicæ Princeps, qui impios voluntatis suæ executores subornaverit; & quidem eos, qui, quicquid fecerint, secundum legem clamant esse factum; qui Cæsaris, Regis, Procerumque iram minantur, qui eos, qui injustis extorsionibus resistunt, post concussionem spoliationesq; morti adju-

adjudicant, eò quòd in coro-
 nam, ut perduelles peccasse di-
 cantur, cùm tantùm ad sui de-
 spoliationem mutire præsum-
 pserint. Hæc cùm contra pieta-
 tem Principis sint, in Princi-
 pem, nisi castiget, redundant.
 Nihil enim ei velle, aut permit-
 tere licet, nisi quod lex, æquitas,
 aut necessitas publica persua-
 det. Quando Themistocles suis
 tributa imponebat, duabus fe-
 stipatum Deabus, dixit, Persua-
 sione & Violentiâ. Populus dua-
 bus etiam se stipatum, scilicet
 Inopiâ & Impotentiâ negabat:
 an ad pietatis, utriusque partis,
 legem, quis dicat? Christianus
 Princeps conscientiam velut Deam
 stipatus, pro Dei Religionisque
 cultu,

cultu, pro regni subditorumque incolumitate præstabit ea, quæ populum non exhauriant, neque ad hostem, tanquam ad mitiorem Dominum eundem præparent. Ex pietate imperet subsidia, & impetrabit victoriam; non agat cum suæ voluntatis & violentiæ executoribus, nisi ad pietatis intentionem. Si libidini Deum, desideriiis opum divinum cultum, denique pietatem impietati postposuerit, immemor sui muneris, fortè resplendet purpurâ, sed subditorum sanguine respersâ; refulgebit auro, sed sacro; unde & se, & aurimagistros, & inventores in pœnas impietatis acerbissimas præcipitabit. Quod ne Christia-

ue no Principi contingat: Da piissi-
 iæ me Pater, omnis pietatis fons &
 e- scaturigo, ut orbis hujus Mo-
 ni- narchæ, Principes & omnes ma-
 g- gistratus pietate verâ sint exi-
 b- mii, curent, ut iniquis affectibus
 n; sint immunes, coelestium arden-
 & tes caritate, terrestrium con-
 ad temptu præclari; sit eis ad æter-
 ni nos triumphos vera fides funda-
 vi- mentum, spes viaticum, reliquæ
 m virtutes ornamenta & arma,
 e- quibus piè in Deum proxi-
 n- mumque animati, æterna celo-
 m rum gaudia in pietatis præmium
 dit & bravium gloriosi nanci-
 u- scantur.

